

史記論文

野戾書贈

史記論文

卷之四

史記論文

第四冊

武進吳見思齊賢評點

山陰吳興祚留村參訂

魏世家

魏之先畢公高之後也。畢公高與周同姓。武王之伐紂而高封於畢。於是爲畢姓。其後絕封爲庶人。或在中國。或在蠻狄。一世系莫考故其苗裔曰畢萬。事晉獻公。獻公

之十六年。趙夙爲御。畢萬爲右。以伐霍耿。魏滅之。以耿封趙夙。以魏封畢萬。爲大夫。

一趙陪偃曰。畢萬之後必大矣。萬滿數也。魏大名也。以是始賞。天開之矣。天子曰

兆民諸侯曰萬民。今命之大。以從滿數。其必有衆。一初畢萬卜事晉。遇屯之比。辛廖

占之曰。吉。屯固比入。吉孰大焉。其必蕃昌。一因卜偃復引出畢萬封十一年。晉獻公

卒。四子爭更立。晉亂。而畢萬之世彌大。從其國名爲魏氏。一東生武子。魏武子以魏諸

子事晉公子重耳。晉獻公之二十一年。武子從重耳出亡。十九年。反。重耳立爲晉文

公而令魏武子襲魏氏之後。封列爲大夫。治於魏。一序世系淵源如江生悼子。魏悼

子徙治霍。一生魏絳。魏絳事晉悼公。悼公三年。會諸侯。悼公弟楊干亂行。魏絳僇辱

楊干。悼公怒曰。合諸侯以爲榮。今辱吾弟。將誅魏絳。或說悼公。悼公止。省文卒任魏絳

政。使和戎翟。戎翟親附。悼公之十一年。曰。自吾用魏絳。八年之中。九合諸侯。戎翟和

子之力也。賜之樂三讓。然後受之。徙治安邑。約法簡淨但魏絳卒。諡爲昭子。一生

魏嬴。一嬴生魏獻子。獻子事晉昭公。昭公卒。而六卿彊。公室卑。一晉頃公之十二年。

韓宣子老。魏獻子爲國政。晉宗室祈氏。羊舌氏。相惡。六卿誅之。盡取其邑。爲十縣。六

卿各令其子爲之大夫。獻子與趙簡子。中行文子。范獻子。並爲晉卿。六卿分其後

十四歲。而孔子相魯。一綱提後四歲。趙簡子以晉陽之亂也。而與韓魏共攻范。中行氏。

一魏獻子生魏侈。魏侈與趙鞅共攻范。中行氏。初云共攻范中行氏矣。又找曰。攻

以趙鞅陪之作魏侈之孫曰魏桓子。與韓康子。趙襄子共伐滅智伯。分其地。一省文

兩層寫變法魏文侯元年。秦靈公之元年也。與韓武子。趙桓子。周威王

同時。一忽扯秦周韓趙六年。城少梁。一十三年。使子擊圍繁龐。出其民。一十六年。伐

秦築臨晉元里。一十七年伐中山。使子擊守之。趙倉唐傳之。子擊逢文侯之師。田子

方於朝歌。引車避下謁。田子方不爲禮。子擊因問曰。富貴者驕人乎。且貧賤者驕人

乎。子方曰。亦貧賤者驕人耳。

且字亦字呼應佳

夫諸侯而驕人。則失其國。大夫而驕人。則失

其家。貧賤者行不合。言不用。則去之楚越。若脫躡然。奈何其同之哉。子擊不懌而去。

一刪潤簡淨

西攻秦。至鄭而還。築雒陰合陽。一二十二年。魏趙韓列爲諸侯。一綱是二十四

年。秦伐我。至陽狐。一二十五年。子擊生子瑨。一文侯受子夏經藝。客段干木。過其閭。

未嘗不軾也。秦嘗欲伐魏。或曰。魏君賢人是禮。國人稱仁。上下和合。未可圖也。文侯

由此得譽於諸侯。一省

任西門豹守鄴。而河內稱治。一省

魏文侯謂李克曰。先生嘗

教寡人曰。家貧則思良妻。國亂則思良相。今所置非成。則璜二子何如。李克對曰。臣

聞之。卑不謀尊。疎不謀戚。臣在闕門之外。不敢當命。文侯曰。先生臨事勿讓。李克曰。

君不察故也。居視其所親。富視其所與。達視其所舉。窮視其所不爲。貧視其所不取。

五者足以定之矣。何待克哉。文侯曰。先生就舍。寡人之相定矣。李克趨而出。過翟璜

之家。

復生一波

翟璜曰。今者聞君召先生而卜相。果誰爲之。李克曰。魏成子爲相矣。

一句斷定

故從翟璜忿然作色曰。以耳目之所覩記。臣何負於魏成子。西河之守。臣之所進也。
 君內以鄴爲憂。臣進西門豹。君謀欲伐中山。臣進樂羊。中山已拔。無使守之。臣進先
 生。君之子無傅。臣進屈侯鮒。於五事中抽出達視其所舉而所與所親亦在其中暗與前應○翟璜意中只重臣進先生一句餘三人皆陪
 也。臣何負於魏成子。兩無負是李克曰。且子之言克於子之君者。豈將比周以求大
 官哉。比周正答其臣進先生一句君問而置相。非成則璜。二子何如。克對曰。君不察故也。居視其
 所親。富視其所與。達視其所舉。窮視其所不爲。貧視其所不取。五者足以定之矣。何
 待克哉。重述一遍以見非薦克亦是知魏成子之爲相也。又斷一句下乃解且子
 安得與魏成子比乎。魏成子以食祿千鍾。什九在外。什一在內。是以東得卜子夏。田
 子方。段干木。此三人者。君皆師之。子之所進。五人者。君皆臣之。一折意盡子惡得與
 魏成子比也。又找一句以應前翟璜逡巡再拜曰。璜鄙人也。失對。願卒爲弟子。一二
 十六年。虢山崩。壅河。一三十二年。伐鄭。城酸棗。敗秦於注。一三十五年。齊伐取我襄
 陵。一三十六年。秦侵我陰晉。一三十八年。伐秦。敗我武下。得其將識。一是歲。文侯卒。
 子擊立。是爲武侯。一魏武侯元年。趙敬侯初立。公子朔爲亂。不勝。奔魏。與魏襲邯鄲。

魏敗而去。一二年城安邑王垣。一七年伐齊至桑丘。一十九年翟敗我於澮。使吳起伐

齊至靈丘。一齊威王初立。一齊事一十一年與韓趙三分晉地滅其後。一省文一十三年秦

獻公縣櫟陽。一秦事一十五年敗趙北蘭。一十六年伐楚取魯陽。一武侯卒。子營立。是

爲惠王。惠王元年。初武侯卒也。子營與公中緩爭爲太子。公孫頤自宋入趙。自趙入

韓。先說趙而後說韓也。謂韓懿侯曰。魏營與公中緩爭爲太子。君亦聞之乎。今魏營

得王錯挾上黨固半國也。一奇句因而除之。破魏必矣。不可失也。懿侯說乃與趙成侯合

軍并兵以伐魏。戰于濁澤。魏氏大敗。魏君圍趙。謂韓曰。除魏君立公中緩。割地而退。

我且利。韓曰。不可。殺魏君。人必曰暴。割地而退。人必曰貪。不如兩分之。魏分爲兩。不

彊於宋衛。則我終無魏之患矣。一數語趙不聽。韓不說。以其少卒夜去。惠王之所以身

不死。國不分者。二家謀不和也。若從一家之謀。則魏必分矣。故曰。君終無適子。其國

可破也。一忽插斷語史公據二年魏敗韓于馬陵。敗趙于懷。一三年齊敗我觀。五年

與韓會宅陽城。武堵爲秦所敗。一六年伐取宋儀臺。九年伐敗韓於澮。與秦戰少梁。

鹵。我將公孫痤取龐。一秦獻公卒。子孝公立。一秦事十年伐取趙皮牢。一彗星見。一

十二年、星晝墜。有聲。十四年、與趙會鄆。十五年、魯衛宋鄭君來朝。十六年、與秦孝公會社平。侵宋黃池。宋復取之。十七年、與秦戰元里。秦取我少梁。圍趙邯鄲。一十八年、拔邯鄲。趙請救於齊。齊使田忌、孫臏救趙。敗魏桂陵。一十九年、諸侯圍我襄陵。築長城。塞固陽。二十年、歸趙邯鄲。與盟漳水上。二十一年、與秦會彤。趙成侯卒。一十八年、齊威王卒。中山君相魏。一三十年、魏伐趙。趙告急齊。齊宣王用孫子計。救趙。擊魏。魏遂大興師。使龐涓將。而令太子申爲上將軍。過外黃。外黃徐子謂太子曰。臣有百戰百勝之術。突入太子曰。可得聞乎。客曰。固願效之。曰。太子自將攻齊。大勝并莒。則富不過有魏。貴不益爲王。若戰不勝齊。則萬世無魏矣。此臣之百戰百勝之術也。太子曰。諾。請必從公之言而還矣。客曰。太子雖欲還。不得矣。突入又起一峯彼勸太子戰攻。欲啜汁者衆。太子雖欲還。恐不得矣。又勒一峭太子因欲還。其御曰。將出而還。與北同。太子果與齊人戰。敗於馬陵。齊鹵魏太子申。殺將軍涓。軍遂大破。一三十一年、秦趙齊共伐我。秦將商君。詐我將軍公子卬。而襲奪其軍。破之。秦用商君。東地至河。而齊趙數破我。安邑近秦。於是徙治大梁。以公子赫爲太子。一三十三年、秦孝

公卒。商君亡秦歸魏。魏怒不入。三十五年、與齊宣王會平河南。惠王數敗於軍旅。上頂數卑禮厚幣。以招賢者。鄒衍淳于髡孟軻皆至梁。梁惠王曰。寡人不佞。兵三折於外。太子鹵。上將死。國以空虛。以羞先君宗廟社稷。寡人甚醜之。叟不遠千里。辱幸至敝邑之庭。將何以利吾國。孟軻曰。君不可以言利。若是夫君欲利。則大夫欲利。大夫欲利。則庶人欲利。上下爭利。國則危矣。爲人君。仁義而已矣。何以利爲。一三十六年。復與齊王會甄。一是歲。惠王卒。子襄王立。一襄王元年。與諸侯會徐州。相王也。追尊父惠王爲王。一五年。秦敗我龍賈軍四萬五千于雕陰。圍我焦曲沃。予秦河西之地。一六年。與秦會應。秦取我汾陰皮氏焦。一魏伐楚。敗之陘山。一七年。魏盡入上郡于秦。秦降我蒲陽。一八年。秦歸我焦曲沃。一十二年。楚敗我襄陵。諸侯執政與秦相張儀會齧桑。一十三年。張儀相魏。一魏有女子化爲丈夫。一秦取我曲沃。平周。一十六年。襄王卒。子哀王立。一張儀復歸秦。一哀王元年。五國共攻秦。不勝而去。一二年。齊敗我觀津。一五年。秦使樗里子伐取我曲沃。走犀首岸門。一六年。秦求立公子政爲太子。與秦會臨晉。一七年。攻齊。與秦伐燕。一八年。伐衛。拔列城二。衛君患之。如耳見衛。

君曰。請罷衛兵。免成陵君。可乎。衛君曰。先生果能孤請。世世以衛事先生。如耳見成陵君曰。昔者魏伐趙。斷羊腸。拔閼與。約斬趙。趙分而爲二。所以不亡者。魏爲從主也。今衛已迫亡。將西請事於秦。與其以秦驛衛。語奇不如以魏驛衛。意透衛之德魏。必終無窮。成陵君曰。諾。先見成陵君後見魏王作兩節寫如耳見魏王曰。臣有謁於衛。衛故周室之別也。其稱小國。多寶器。今國迫於難。而寶器不出者。其心以爲攻衛。驛衛。語更省不以王爲主。故寶器雖出。必不入於王也。前以順說此以反擊臣竊料之。先言驛衛者。必受衛者也。意調如耳出。成陵君入。以其言見魏王。前以兩節寫此以兩段應魏王聽其說。罷其兵。免成陵君。終身不見。一九年。與秦王會臨晉。張儀魏章皆歸於魏。一魏相田需死。楚害張儀犀首薛公。楚相昭魚謂蘇代曰。田需死。吾恐張儀犀首薛公。有一人相魏者也。代曰。然相者欲誰而君便之。欲誰相者倒句昭魚曰。吾欲太子之自相也。代曰。請爲君北必相之。昭魚曰。奈何。對曰。君其爲梁王代。請說君。文章之幻昭魚曰。奈何。對曰。代也。從楚來。昭魚甚憂曰。田需死。吾恐張儀犀首薛公。有一人相魏者也。代曰。梁王長主也。必不相張儀。徑斷定妙張儀相。必右秦而左魏。犀首相。必右韓而左魏。薛公相。必右齊而左魏。梁王長主也。

必不便也。王曰：然則寡人孰相？預擬一王曰：文幻如此。代曰：莫若太子之自相。太子之自相，是

三人者，皆以太子爲非常相也。皆將務以其國事。魏欲得丞相璽也。以魏之疆而三

萬乘之國輔之，魏必安矣。故曰：莫若太子之自相也。前作一頓，此數句一趨而下，其勢甚緊。遂北見梁

王，以此告之。太子果相魏。預擬一篇文章，後只一種文法。十年，張儀死。十一年，與秦武

王會應。十二年，太子朝于秦。秦來伐我皮氏，未拔而解。十四年，秦來歸武王后。

一十六年，秦拔我蒲反陽，晉封陵。一十七年，與秦會臨晉。秦予我蒲反。一十八年，與

秦伐楚。二十一年，與齊、韓共敗秦軍函谷。二十三年，秦復予我河外及封陵，爲

和。一哀王卒，子昭王立。一昭王元年，秦拔我襄城。二年，與秦戰，我不利。一三年，佐韓

攻秦。秦將白起敗我軍伊闕二十四萬。一六年，與秦河東地，方四百里。一芒卯以詐

重。空著一語甚奇。一七年，秦拔我城大小六十一。一八年，秦昭王爲西帝，齊湣王爲東帝。月

餘皆復稱王歸帝。齊秦事一插序。九年，秦拔我新垣、曲陽之城。一十年，齊滅宋。宋王死，我

溫。齊宋事一插序。十二年，與秦、趙、韓、燕共伐齊，敗之濟西。湣王出亡，燕獨入臨淄。與秦王

會西周。一十三年，秦拔我安城。兵到大梁去。一十八年，秦拔郢。楚王徙陳。秦楚事一插序。

十九年、昭王卒。子安釐王立。一安釐王元年、秦拔我兩城。二年、又拔我二城。軍大梁下。韓來救。予秦溫以和。一三年、秦拔我四城。斬首四萬。一四年、秦破我及韓趙。殺十五萬人。走我將芒卯。魏將段干子請予秦南陽以和。蘇代謂魏王曰。欲璽者。段干子也。欲地者。秦也。今王使欲地者制璽。使欲璽者制地。先立兩句下互兩句文法佳峭魏氏地不盡。則不知已。且夫以地事秦。譬猶抱薪救火。薪不盡。火不滅。又兜數語俱以緊峭勝王曰。是則然也。雖然。事始已行。不可更矣。對曰。王獨不見夫博之所以貴梟者。便則食。不便則止矣。今王曰。事始已行。不可更。是何王之用智。不如用梟也。俱以峭語勝一十年、秦太子外質於魏。死。一十一年、秦拔我鄴丘。秦昭王謂左右曰。今時韓魏與始孰彊。對曰。不如始彊。王曰。今時如耳。魏齊與孟嘗芒卯孰賢。對曰。不如王曰。以孟嘗芒卯之賢。率彊韓魏以攻秦。猶無奈寡人何也。今以無能之如耳。魏齊而率弱韓魏以伐秦。其無奈寡人何亦明矣。一正一反兩跌左右皆曰。甚然。中旗馮琴。國策作推琴而對曰。王之料天下過矣。當晉六卿之時。知氏最彊。滅范中行。又率韓魏之兵以圍趙襄子於晉陽。決晉水以灌晉陽之城。不湛者三版。知伯行水。魏桓子御。韓康子爲參乘。知

伯曰。吾始不知水之可以亡人之國也。乃今知之。汾水可以灌安邑。絳水可以灌平陽。魏桓子肘韓康子。韓康子履魏桓子。奇峭之語。情事適合。肘足接于車上。而智氏地分。更奇。

身死國亡。爲天下笑。今秦兵雖彊。不能過智氏。韓魏雖弱。尙賢其在晉陽之下也。此

方其用肘足之時也。峭收語。更爲緊。願王之必勿易也。於是秦王恐。一齊楚相約而攻

魏。魏使人求救于秦。冠蓋相望也。而秦救不至。魏人有唐睢者。年九十餘矣。先點。一句謂。

魏王曰。老臣請西說秦王。令兵先臣出。魏王再拜。遂約車而遣之。唐睢到入見秦王。

秦王曰。丈人芒然。乃遠至此。甚苦矣。正爲其九十也。夫魏之來求救數矣。寡人知魏之急已。

唐睢對曰。大王已知魏之急。而救不發者。臣竊以爲用策之臣無任矣。一夫魏一萬。

乘之國也。然所以西面而事秦。稱東藩。受冠帶。祠春秋者。以秦之彊。足以爲與也。二轉。

今齊楚之兵。已合於魏郊矣。而秦救不發。三轉。亦將賴其未急也。四轉。使之太急。彼且割

地而約從。王尙何救焉。五轉。必待其急而救之。是失一東藩之魏。而彊二敵之齊楚。則

王何利焉。此段以轉。折明透勝。於是秦昭王遽爲發兵救魏。魏氏復定。一趙使人謂魏王曰。爲

我殺范痤。吾請獻七十里之地。魏王曰。諾。使吏捕之。圍而未殺。痤因上屋騎危。奇語。

危語危語使者曰。與其以死痊市。不如以生痊市。奇語亦有如痊死。趙不予王地。則王將

奈何。故不若與先定割地。然後殺痊。魏王曰。善。痊因上書信陵君曰。痊固魏之免相

也。趙以地殺痊。而魏王聽之。有如彊秦亦將襲趙之欲。則君且奈何。一折明透信陵君言

於王而出之。一魏王以秦救之故。接問欲親秦而伐韓。以求故地。無忌謂魏王曰。秦與

戎翟同俗。有虎狼之心。貪戾好利。無信。不識禮義德行。苟有利焉。不顧親戚兄弟。若

禽獸耳。此天下之所識也。非有所施厚積德也。一故太后母也。而以憂死。穰侯舅也。

功莫大焉。而竟逐之。兩弟無罪。而再奪之國。三段轉此於親戚若此。而況於仇讎之

國乎。二轉今王與秦共伐韓。而益近秦患。臣甚惑之。而王不識。則不明。羣臣莫以聞。則

不忠。三轉今韓氏以一女子。奉一弱主。內有大亂。外交彊秦魏之兵。王以爲不亡乎。四轉

韓亡。秦有鄭地。與大梁鄰。王以爲安乎。五轉王欲得故地。今負彊秦之親。王以爲利乎。

六轉秦非無事之國也。韓亡之後。必將更事。更事必就易與利。就易與利。必不伐楚與

趙矣。七轉是何也。夫越山踰河。絕韓上黨。而攻彊趙。是復闕與之事。秦必不爲也。若道

河內。倍鄴朝歌。絕漳滏水。與趙兵決於邯鄲之郊。是智伯之禍也。秦又不敢伐楚。道

涉山谷行三千里而攻冥阨之塞。所行甚遠。所攻甚難。秦又不爲也。若道河外。倍大梁。右蔡左召陵。與楚兵決於陳郊。秦又不敢。兩不爲字兩不敢字故曰。秦必不伐楚與趙矣。八又不攻衛與齊矣。九轉只找一句夫韓亡之後。兵出之日。非魏無攻矣。十轉繁簡相參之妙秦固有懷茅邢丘。城垓津以臨河內。河內共汲必危。有鄭地得垣雍。決滎澤水灌大梁。大梁必亡。王之使者出過而惡安陵氏於秦。秦之欲誅之久矣。秦葉陽昆陽與舞陽鄰。聽使者之惡之。隨安陵氏而亡之。繞舞陽之北以東臨許。南國必危。國無害已。十一夫憎韓。不愛安陵氏。可也。夫不患秦之不愛南國。非也。異日者。秦在河西。晉國去梁千里。有河山以闌之。有周韓以間之。從林鄉軍以至於今。秦七攻魏。五入囿中。邊城盡拔。文臺墮。垂都焚。林木伐。麋鹿盡。而國繼以圍。又長驅梁北。東至陶衛之郊。北至平監。所亡於秦者。山南山北。河外河內。大縣數十名。都數百。秦乃在河西。晉去梁千里。而禍若是矣。十二又況於使秦無韓。有鄭地。無河山而闌之。無周韓而間之。去大梁百里。禍必由此矣。兩段一正一反異日者。從之不成也。楚魏疑而韓不可得也。十四今韓受兵三年。秦撓之以講。識亡不聽。投質於趙。請爲天下鴈行頓刃。楚趙

必集兵。十五皆識秦之欲無窮也。非盡亡天下之國而臣海內，必不休矣。十六是故

臣願以從事。王速受楚趙之約，趙挾韓之質以存韓而求故地，韓必效之。此士民

不勞而故地得其功多於與秦共伐韓，而又與彊秦鄰之禍也。一句收束俱盡○十七轉夫存韓

安魏而利天下，此亦王之天時矣。通韓上黨於共寧，使道安成，出入賦之，是魏重質

韓以其上黨也。今有其賦足以富國，韓必德魏，愛魏重魏，畏魏韓必不敢反魏。五魏字聲

勢落是韓則魏之縣也。十八魏得韓以爲縣，衛大梁，河外必安矣。十九今不存韓二

周安陵必危。楚趙大破，衛齊甚畏，天下西鄉而馳，秦入朝而爲臣不久矣。一篇文一字作十

九轉頓折不窮如懸江河雄辨可愛二十年，秦圍邯鄲，信陵君無忌矯奪將軍晉鄙兵以救趙，趙得全

無忌因畱趙。二十六年，秦昭王卒。秦事插序三十年，無忌歸魏，率五國兵攻秦，敗之，河

內走蒙騖。魏太子增質於秦，秦怒，欲囚魏太子增，或爲增謂秦王曰：公孫喜固謂魏

相曰：請以魏疾擊秦。秦王怒，必囚增。魏王又怒擊秦，秦必傷。今王囚增，是喜之計中

也。故不若貴增而合魏，以疑之於齊韓。語亦簡透秦乃止增。三十一年，秦王政初立，一秦事

插序三十四年，安釐王卒，太子增立，是爲景湣王。一信陵君無忌卒。一景湣王元年，秦

拔我二十城。以爲秦東郡。一二年，秦拔我朝歌。一衛徙野王。一衛事三年，秦拔我汲。一五年，秦拔我垣蒲陽衍。一十五年，景湣王卒。子王假立。一王假元年，燕太子丹使荆軻刺秦王。秦王覺之。一燕秦事三年，秦灌大梁。鹵王假遂滅魏，以爲郡縣。太史公曰：吾適故大梁之墟，墟中，人曰：秦之破梁，引河溝而灌大梁。三月，城壞，王請降。遂滅魏。說者皆曰：魏以不用信陵君，故國削弱，至於亡。余以爲不然。天方令秦平海內，其業未成，魏雖得阿衡之佐，曷益乎？

前後亦只平敘提綱中間撫數事出色其刪潤處是史公筆力

韓世家

韓之先與周同姓，姓姬氏。其後苗裔事晉，得封於韓原。曰韓武子。韓之世系獨不詳武子後

三世有韓厥。從封姓爲韓氏。一韓厥。晉景公之三年，晉司寇屠岸賈將作亂，誅靈公之賊趙盾。趙盾已死矣，欲誅其子趙朔。韓厥止賈，賈不聽。厥告趙朔，令亡。朔曰：子必能不絕趙祀，死不恨矣。韓厥許之，及賈誅趙氏。厥稱疾不出。程嬰公孫杵臼之藏趙孤趙武也。厥知之一。趙朔存孤事只略景公十一年，厥與卻克將兵八百乘伐齊，敗